



Služba za privredu

Broj: 02/1-04-1489/2024
Breza, 17.05.2024. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza, koja je održana 25. aprila 2024. godine, vijećnica Amina Jekalović postavila je vijećničko pitanje koje glasi:

„Vijećničko pitanje postavljam na zahtjev velikog broja naših sugrađana, odnosi se na SRC ADA Breza, a glasi: Da li postoje bilo kakve aktivnosti, tj. da li su poduzete bilo kakve aktivnosti i planovi vezani za rješavanje problematike bazena? Pitanje postavljam iz razloga što se bliži ljetna sezona pa je navedena tematika sve više aktuelna u našem gradu. Bitno je da se građanima predoče odgovori na postavljena pitanja po ovom osnovu, ukoliko postoje bilo kakve aktivnosti ili plan i strategija za rješavanje navedene problematike.“

U vezi postavljenog vijećničkog pitanja dajemo sljedeći odgovor :

Općina Breza, na čelu s načelnikom Vedadom Jusićem, u mandatu 2020. – 2024. veoma temeljito i sistematično je pokušala dati doprinos osposobljavanju Sportsko-rekreativnog centra “ADA” i definisanju pitanja koja se, prije svega, tiču prostorno-planske dokumentacije navedenog obuhvata.

Trenutno je SRC “ADA” planiran obuhvatom od 25 dunuma, od čega je 17 dunuma u vlasništvu Općine Breza, a preostali prostor u vlasništvu privatnih lica. Prostor bazena se nalazi u okviru Regulacionog plana “Uže urbano područje”. Planirana je kupovina između 5-8 dunuma od privatnih vlasnika da bi se zaokružila cjelina i mogao uspostavljati funkcionalan sistem upravljanja navedenim kompleksom.

Zbog lošeg stanja u kojem se trenutno nalazi SRC “ADA”, čak i veća ulaganja ne bi u potpunosti doprinijela ispunjenju osnovnih uslova koje zakon s viših nivoa vlasti propisuje u smislu inspekcijskih nalaza, instalacija, sanitarno-tehničkih i higijenskih propisa. Prva inspekcija, koja bi došla, zatvorila bi kompleks SRC “ADA” koji je veliki resurs općine Breza.

Prema trenutno važećem Regulacionom planu “Uže urbano područje” koeficijent izgrađenosti na području tih 25 dunuma i na prostoru bazena je 15 %, što ograničava bilo kakve ekonomske isplativosti budućem investitoru. Da bi prostor bio ekonomski isplativ i

funkcionalan, mora podrazumijevati smještajne kapacitete, sportsko-zabavne i ugostiteljske sadržaje.

U proteklom periodu Općina Breza je, u saradnji s Arhitektonskim fakultetom Sarajevo, pripremila Projektni zadatak koji je trebao da bude sastavni dio Konkursa za izradu idejnog rješenja. Osigurana su i sredstva za nagrade za 3 (tri) najbolja idejna rješenja koja bi bila predmet ugovora između Općine Breza i eventualnog investitora.

Prije raspisivanja Konkursa za izradu idejnog rješenja, uočene su sve manjkavosti postojećeg Regulacionog plana "Uže urbano područje" i došlo je do dileme oko raspisivanja Konkursa koji u potpunosti odstupa od parametara plana u smislu koeficijenta izgrađenosti koji je kroz projektni zadatak definisan na 50 posto. Dilema je otklonjena upitom resornom kantonalnom ministarstvu koje je dalo odgovor da Općina Breza ne može raspisati javni poziv bez izmjene uslova u Regulacionom planu "Uže urbano područje".

Provedena je javna nabavka za izmjenu i dopunu Regulacionog plana "Uže urbano područje". Procijenjena vrijednost javne nabavke navedene usluge je bila 20.000,00 KM, bez PDV-a. S najpovoljnijom cijenom, prvorangirani je bio dobavljač "BOSNA INŽINJERING" d.o.o. Sarajevo, s kojim je zaključen ugovor na iznos od 14.000,00 KM bez PDV-a, odnosno 16.380 KM s PDV-om.

Od jula 2023. godine, dobavljač "BOSNA INŽINJERING" d.o.o. Sarajevo nije uradio posao. Općina Breza je trenutno u proceduri raskida ugovora i raspisivanja novog postupka javne nabavke za izmjenu i dopunu Regulacionog plana "Uže urbano područje".

Obrađivač: Jasmina Došlić

Dostavljeno
1 x Naslov
1 x evidencija
1 x a/a

Pomoćnik načelnika

Salih Hasanspahić



Služba za privredu
Broj: 02/1-9-19-1491/2024
Breza, 14.05.2024.god.

Stručna služba Općinskog vijeća

Predmet: Odgovor na vijećničku inicijativu, dostavlja se

Poštovani,

Na 38. redovnoj sjednici Općinskog vijeća Breza održanoj dana 25.04.2024. godine, u okviru vijećničkih pitanja, vijećnik Anel Rihčić, u pismenoj formi je pokrenuo vijećničku inicijativu koja glasi:

„Podnosim inicijativu da se u naselju Mahala (raskrsnica za Prhinje) saniraju dvije rupe koje prave problem svim učesnicima u saobraćaju .“

U vezi pokrenute vijećničke inicijative dostavljamo sljedeći odgovor:

Tehnička lica ispred Općine Breza su u prethodnom periodu evidentirali predmetna oštećenja završnog sloja asfalta nastalo usljed saobraćanja teških kamiona na ovoj dionici te će ista biti otklonuta kroz Program redovnog održavanja i zaštite cesta na području općine Breza.

S poštovanjem!

Obrađivač: Rašida Mušanović


Dostavljeno:

1 x Naslov

1 x a/a

Pomoćnik načelnika

.....
Salih Hasanspahić



Služba za privredu
Broj: 02/1-13-23-1488/2024
Breza, 15.05.2024.god.

Stručna služba Općinskog vijeća

Predmet: Odgovor na vijećničku inicijativu, dostavlja se

Poštovani,

Na 38. redovnoj sjednici Općinskog vijeća Breza održanoj dana 25.04.2024. godine, u okviru vijećničkih pitanja, vijećnica Amina Jekalović, u pismenoj formi je pokrenula vijećničku inicijativu koja glasi:

„Inicijativa za iscrtavanje pješačkog prelaza na lokaciji novoizgrađenog Trga rudara u pravcu ulaza u dječiji park, biblioteku, te kino salu (na cesti u pravcu nekadašnjeg izlaza sa taxi štanda, pored nekadašnje prodavnice Kasima Mamele). Naime, na navedenom lokalitetu već postoji „udubljenje“ na trotoaru novoizgrađene šetnice, koje se može potencionalno iskoristiti za pješački prelaz.“

U vezi pokrenute vijećničke inicijative dostavljamo sljedeći odgovor:

Horizontalna saobraćajna signalizacija na regionalnoj cesti R-444 izvedena je prema „Glavnom saobraćajnom projektu regionalne ceste R-444 granica Kantona (Podlugovi) – Breza – Vareš – Vijaka u dužini od L=41km“ izrađenom od ovlaštenih saobraćajnih inženjera projektantske kuće Saraj-inženjering d.o.o. Sarajevo. Obzirom da je upravitelj regionalne ceste Kantonalna direkcija za ceste zeničko-dobojskog kantona, Vašu inicijativu ćemo proslijediti istoj na nadležno postupanje.

S poštovanjem!

Obrađivač: Edvina Kadrić-Velić

Dostavljeno:

1 x Naslov

1 x a/a

Primijeno			
Preporučeno			
Sravnjeno			
Otpremljeno	16-05-2024		



Pomoćnik načelnika

Salih Hasanspahić